

আমার ব্যথা যখন আনে আমায় তোমার দ্বারে
 তখন আপনি এসে দ্বার খুলে দাও, ডাকো তারে ॥
 বাহুপাশের কাঙাল সে যে, চলেছে তাই সকল ত্যেজে,
 কাঁটার পথে ধায় সে তোমার অভিসারে ॥
 আমার ব্যথা যখন বাজায় আমায় বাজি সুরে—
 সেই গানের টানে পারো না আর রইতে দূরে ।
 লুটিয়ে পড়ে সে গান মম ঝড়ের রাতের পাখি-সম,
 বাহির হয়ে এসো তুমি অন্ধকারে ॥

Parjaay: Puja, Taal: Ektaal, Raag: Pilu-Bhimpalasi
 Visit www.geetabitan.com for notation and other detail